



REPUBLIKA E KOSOVËS - REPUBLIKA KOSOVA
KOMUNA VUSHTRRI - OPSTINA VUCITRN

Drejtoria për Prokurim Publik
14 Nr. 443/24
Daët 16.07.2024

Duke vendosur në çështjen administrative, sipas Kërkesës për Rishqyrtim të subjektit në procedurë: **CORESELFLLC SH.P.K. Rruga 27 Nëntori, PN, Prishtinë**, Autoriteti Kontraktues – Drejtoria Komunale për Prokurim Publik e Komunës së Vushtrrisë, pas mbajtjes të seancës jo publike të shqyrtimit të kërkesës në fjalë, në bazë të nenit 108/A pika 6 lidhur me pikën 10 paragrafi 10.1 të Ligjit nr. 04/L-042 për Prokurimin Publik të Republikës së Kosovës, i plotësuar dhe ndryshuar me Ligjin nr. 04/L-237, Ligjin nr. 05/L-068 dhe Ligjin Nr. 05/L-092, me datën **16.07.2024**, merr këtë:

VENDIM

1. Refuzohet si e pabazë Kërkesa për rishqyrtim e subjektit në procedurë : **CORESELFLLC SH.P.K. Rruga 27 Nëntori, PN, Prishtinë** lidhur me kriteret kualifikuese të vendosura në dosjen e tenderit dhe njoftimit për kontratë në aktivitetin e prokurimit me titull: **Shërbime Mediale për Aktivitete të Komunës me numër prokurimi: VU644-24-2759-2-2-1**, inicuar nga AK – Komuna e Vushtrrisë.
2. Vërtetohet Njoftimi për Kontratë dhe Dosja e Tenderit, lidhur me aktivitetin e prokurimit me titull: **Shërbime Mediale për Aktivitete të Komunës me numër prokurimi: VU644-24-2759-2-2-1**, andaj AK – Drejtoria Komunale për Prokurim Publik e Komunës së Vushtrrisë vazhdon më tutje me procedurën e prokurimit.

Arsyetim

Autoriteti Kontraktues – Drejtoria Komunale për Prokurim Publik e Komunës së Vushtrrisë (në tekstin e mëtejme A.K.) në bazë të kërkesës së Njesisë Kërkuese ka inicuar aktivitetin e prokurimit me titull: **Shërbime Mediale për Aktivitete të Komunës me numër prokurimi: VU644-24-2759-2-2-1**.

Më 16 korrik 2024, Autoriteti Kontraktues përmes platformës e-prokurimi ka pranuar Kërkesën për Rishqyrtim të parashtruar nga operatori ekonomik **CORESELFLLC SH.P.K. Rruga 27 Nëntori, PN, Prishtinë** kundër njoftimit për kontratë dhe dosjes së tenderit lidhur me aktivitetin e prokurimit **Furnizim me material pedagogjik ditari, shkumsa etj. me numër prokurimi: VU644-24-6395-1-2-1**. Në arsyetimin e Kërkesës për rishqyrtim, OE **CORESELFLLC SH.P.K. Rruga 27 Nëntori, PN, Prishtinë** (në tekstin e mëtejme Ankuesi) pretendon se, A.K. duke vendosur kërkesa diskriminuese në dosjen e tenderit ka shkelur dispozitat e LPP-së, konkretishtë Neni 1. Qëllimi dhe Fushëveprimi i Udhëzuesit Operativ për

Prokurimin Publik Neni 6 - Ekonomiciteti dhe Efikasiteti Neni 7 - Barazia në Trajtim/ Jo-Diskriminimi, Neni 28 - Specifikimet teknike, Neni 51 - Njoflimi i Kritereve të Përzgjedhjes Neni 59 - Ekzaminimi, Vlerësimi dhe Krahasimi i Tenderëve, Neni 60 - Kriteret për Dhënien e Kontratës, Neni 69 - Aftësia Teknike dhe/ose Profesionale, Neni 72 - Dokumentacioni dhe informacioni shtesë, Neni 10, - Udhëzuesit nr. 001/2023, për prokurim Publik (KRPP) Neni 26, - Rregullores nr. 001/2022, për prokurim publik (KRPP).

Autoriteti Kontraktues – Drejtoria Komunale për Prokurim Publik e Komunës së Vushtrrisë, gjatë fazës së shqyrtimit paraprak ka konstatuar se ankesa i përmban elementet e përcaktuara përmes nenit 60 paragrafi 3 të Rregullorës Nr. 001/2022 për Prokurimin Publik dhe si e tillë është parashtruar brenda afatit ligjor në përputhje me nenin 108/A paragrafin 3.1 të LPP në procedurë paraprake për zgjidhje të mosmarrëveshjeve nga operatori ekonomik që është palë e interesuar sipas nenit 4 paragrafit 1 nën-paragrafit 26 të LPP. Në këtë mënyrë AK ka konstatuar se është kompetent për të shqyrtuar këtë kërkesë sipas nenit 108/A të LPP lidhur me nenin 63 të RRPP dhe nuk ekziston asnjë pengesë procedurale për të vazhduar me shqyrtimin e saj në mënyrë meritore.

Autoriteti Kontraktues, pasi shqyrtoi një nga një pretendimet e OE ankues të parashtruara në Kërkesën për Rishqyrtim në kontekstin e përgjithshëm të kërkesave dhe kushteve të zbatueshme të dosjes së tenderit/njoftimit për kontratë, fakteve të pohuara nga OE ankues, duke pasur parasysh natyrën dhe qëllimin e aktivitetit të prokurimit dhe duke u mbështetur në LPP dhe RRPP, **gjeti se kërkesa për rishqyrtim është e pabazë.**

1. Pretendimi i parë dhe i përgjithësuar i OE ankues i cili pretendon se AK – NJK-Komuna Vushtrri, Komisioni profesional i AK gjatë vlerësimit të ofertave Duke par Kërkesat mbi mundësitë teknike dhe/ose profesionale 9.1 & 9.2 Kapaciteti teknik dhe profesional, ka bërë shkelje në procedur, kufizimin apo diskriminimin në konkurrencë pasi që në mënyrë takstative përmend listën e kontratave dhe specifikimet teknike të detyrueshme.

Përgjigja e AK-së: Lidhur me këtë pretendim, A.K. konstaton se është i pabazë pasi që OE ankues nuk ka arritur t'a argumentojë me asnjë fakt dhe provë se kjo kërkesë nuk është përmbushur nga OE i rekomanduar për dhanje të kontratës, mandej nuk ka prova, fakte e as argumente se është kufizuar ose ulë konkurrenca e lirë në treg dhe e diskriminon atë në këtë aktivitet të prokurimit.

Kjo kërkesë e kualifikimit lidhur me kapacitetet profesionale/teknike që operatorët ekonomik duhet t'i posedojnë në funksion të këtij aktiviteti të prokurimit, për më tepër se cilët OE kanë kapacitet profesional, performansën dhe bashkëpunimin, zakonisht në praktik bashkëpunimet lidhen me mirëbesimin e performansës e asesi me pretendimet e ngritura, të pa qëndrueshme dhe pa pasur bazën ligjore.

Përkundrazi, kjo kërkesë është e plotësuar, është relevante dhe proporcionale në raport me objektin, natyrën dhe vëllimin e shërbimit, natyrën specifike, të parapara në këtë aktivitet dhe si e tillë paraqet bazën ligjore, pasi që siguron konkurrencë të barabartë sipas nenit 7 të LPP-së për të gjithë OE që dëshirojnë të marrin pjesë në këtë aktivitet.

Sa i përket pohimeve të ngritura kinse për shkelje të neneve të LPP-së, A.K. thekson se ky pohim është paragjykses, pasi që në kontekstin e rrethanave konkrete kjo dispozitë nuk ka të bëjë me çështjen konkrete, respektivisht nuk është e aplikueshme ose nuk ndërliiden në situatën dhe procedurën e tanishme të këtij aktiviteti të prokurimit.


Nga konteksti i lartcekur, A.K. i rikujton OE ankues se kriteret për kualifikim vendosen që t'i shërbejnë A.K. për **njohjen e kapaciteteve minimale të OE**, të cilët nëpërmjet dokumentacionit duhet të vërtetojnë se zotërojnë kualifikimet e nevojshme të kapaciteteve ekonomike, financiare, teknike, profesionale, përvojën e duhur, personelin e nevojshëm dhe gjithçka tjetër në funksion të realizimit me sukses të kontratës.

Në fund, A.K. thekson se vërtetohen dhe mbesin në fuqi të gjitha kërkesat, kushtet materiale dhe Njoftim mbi vendimin e autoriteti kontraktues:11.07.2024, për arsye se të njejtat garantojnë transparencë dhe konkurrencë të drejtë e të barabartë sipas praktikave më të mira për të gjithë OE që zotërojnë kapacitetet e nevojshme të lartcekura në funksion të realizimit me sukses të kontratës në raport me objektin dhe specifikat e fushëveprimtarisë së saj.

Nga se u tha më lartë, e në pajtim me dispozitat e lartcekura, A.K. vlerëson se nuk ka asnjë arsye të vensosë ndryshe nga ajo që është theksuar si më lartë, andaj edhe është vendosur si në dispozitiv të këtij vendimi.



Drejtoria për Prokurim Publik


Ilmi Azemi

Këshillë juridike: Pala e pakënaqur me këtë Vendim ka të drjtë të parashtroi Ankesë pranë Organit Shqyrtues për Prokurim – OSHP-së, në pajtim me nenin 109 të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092.

Nga një kopje i dërgohet:

1x1 Palës/ ve;
1x1 DPP, dhe
1x1 Arkivit.